

ՊԱՂՈՒԹԱՅԻՆ

ԵԿԵՂԵՑԻՈՅ ԸԱԻԱՏՈՅ ԸԱՆԳԱՆԱԿԸ

ԴՈԿՏ. ԶԱԻԷՆ Ա. ՔԶՆԹ. ԱՐՁՈՒՄԱՆԵԱՆ

Ծանօթ. Մեծ Պահոց շրջանին Հաւատոյ Հանգանակը որպէս «Խոստովանութիւն» կը վերլուծուի մեր Եկեղեցւոյ զարակներուն: Հանգանակին բովանդակութիւնը կենսական է մեր ներամիտքի աղօթքներուն համար որպէս ակնադիրը նշմարիտ աստուածգիտութեան:

ՀԱՆԳԱՆԱԿ ԻՆՉ ԿԸ ՆՇԱՆԱԿԻ
Հաւատոյ Հանգանակը Քրիստոսի հաստատած Եկեղեցիին հիմնական հաւատալիքներու գրաւոր յայտարարութիւնն է որպէս խոստովանութիւն: Առանց Հանգանակի եկեղեցին կը շփոթի թէ ինչ բանի կը դաւանի եւ կը հաւատայ: Հոն գրուած են առանձինն Հայր Աստուծոյ, Որդիին՝ Քրիստոսի, եւ Ս. Հոգիի մասին, եւ թէ ինչպէ՛ս անոնք երեքը միասին Սուրբ Երրորդութիւնը կը կազմեն: Թէ՛ եկեղեցին ինչ նկարագիր ունի, այսինքն, իր յատկանիշները որոնք են, քանի որ եկեղեցին հիմնովին կը գատորոշուի մեր գիտցած բոլոր կազմակերպութիւններէն: Հաւատոյ Հանգանակը այս բոլորը կ'ամփոփէ իր մէջ եւ ամէն օր հաւատացեալներ զայն կ'արտասանեն որպէս իրենց հաւատալիքը: Անոնք զայն արտասանելով իրենց հաւատքի հիմը՝ Աստուծոյ, Սուրբ Երրորդութեան, եւ Եկեղեցիի մասին համոզումով եւ զիտութեամբ յայտարարած կ'ըլլան:

Ո՞Վ ԳՐԱՄ Է ՀԱՆԳԱՆԱԿԸ
Հաւատոյ Հանգանակը մէկ անձի մը կողմէ չէ գրուած: Ան 325 թուականին միացեալ Եկեղեցիներու կողմէ գումարուած Նիկիոյ Առաջին Եկեղեցական Ժողովի ընթացքին միասնաբար խմբագրուած է, բոլոր կարեւոր կէտերը Աւետարանական ստեղծելով ուսումնասիրելէ ետք, հերքելով եւ մերժելով նաեւ ամէն տեսակի սխալ ուսուցում Աստուծոյ, Քրիստոսի եւ Եկեղեցիի մասին: Եկեղեցին 325 թուականէն ի վեր հիմնուեցաւ այդ Հանգանակին վրայ, բոլոր եկեղեցիներու ներկայացուցիչներու մասնակցութեամբ եւ որոշումով եւ միշտ մնաց իր հարազատ ձեւին մէջ:

ԻՆՉՈ՞Ւ «ՀԱԻԱՏԱՄՔ»
ԿԸ ԿՈՉԵՆՔ ԶԱՅՆ
«Հաւատամք» մեր հին գրաբար լեզուով կը նշանակէ «կը հաւատանք», այսինքն ՄԵՆՔ կը հաւատանք միասնաբար, եւ ոչ թէ

միայն ես կը հաւատամ: Յաջորդող լման բաժինը կուգայ ըսելու թէ մենք ինչ բանի կը հաւատանք, եւ այս բաժինն է ամենէն կարեւորը, քանի որ հոն կը յիշուին այն ամէնը որոնց պէտք է հաւատանք եթէ մենք Քրիստոսեայ կը կոչենք զմեզ: «Հաւատամք» ի այդ կեդրոնական մասը հետեւեալ վարդապետական կէտերը կ'ամփոփէ իր մէջ որպէս ամբողջական, լրիւ, եւ կատարեալ, որոնց վրայ Եկեղեցին ուրիշ ոչ մէկ յաւելում չարտօնէր: Վարդապետական կէտ կը նշանակէ ուսուցում եւ զիտութիւն որպէս ուղղակի շարունակութիւնը Սուրբ Գիրքին:

«ՀԱԻԱՏԱՄՔ Ի ՄԻ ԱՍՏՈՒԱՄ»
Մէկ ԱՍՏՈՒԱՄ կը դաւանինք որ Ամենակալ Հայրն է, այսինքն երկինքի եւ երկրի ստեղծողը, եւ նաեւ արարիչը ամէն տեսակ գոյացութիւններու: Ստեղծիչ եւ արարիչ նոյն իմաստը ունին ու կը նշանակեն «ոչինչէն գոյութեան բերող Անձը»:

«ԵՒ Ի ՄԻ ՏԷՐ ՅԻՍՈՒՍ ՔՐԻՍՏՈՍ»
Կը հաւատանք ՄԷԿ ՏԻՐՈՋ ՅԻՍՈՒՍԻ ՔՐԻՍՏՈՍԻ, որ Հայր Աստուծոյ Որդին է եւ հաւասարապէս «ճշմարիտ Աստուած» է, քանի որ Հօրը Միածին Որդին է, այսինքն Միակ Որդին որ ծնաւ Հայր Աստուծոյ: Յիսուս՝ Աստուծոյ Որդին ըլլալով ունի Հօրը բնութիւնը, որ մեր փրկութեան համար «երկինքէն իջաւ», մարմին առաւ, մեզի նման մարդ եղաւ, կատարեալ կերպով Մարիամէն ծնելով: Սուրբ Հոգիի յղացումով: Ան մեր փրկութեան համար չարչարուեցաւ, խաչուեցաւ, եւ երրորդ օրը յարութիւն առաւ ու բարձրացաւ երկինք՝ նստելու Հայր Աստուծոյ կողքին:

«ԵՒ Ի ՍՈՒՐԲ ՀՈԳԻՆ»
Կը հաւատանք ՍՈՒՐԲ ՀՈԳԻՆՆ ԻՆՆՈՐ անեղ է, այսինքն չէ ստեղծուած ինչպէս ստեղծուեցան երկինքն ու երկիրը: Սուրբ Հոգին Աստուծոյ Հոգին է որ խօսիլ տուաւ, իմաստութիւն եւ ուժ տուաւ մարդկներուն եւ առաքեալներուն, եւ ապա իջաւ Յորդանան գետին մէջ երբ Յիսուս կը մկրտուէր Յովհաննէս Մկրտիչի ձեռքով:

«ՄԻ, ԸՆԴՀԱՆՐԱՅԱՆ, ԱՌԱՔԵԼԱԿԱՆ, ԵՒ ՍՈՒՐԲ ԵԿԵՂԵՑԻ»
Կը հաւատանք ԵԿԵՂԵՑԻՆՆ ԻՆՆՈՐ
Շաբ. ք էջ 19

ՀԱՄԱԳԱՂՈՒԹԱՅԻՆ ԹԱՂՈՒՄ ՓՐՈՑ. ԴՈԿՏ. ԳԵՈՐԳ ԽՐԼՈՒԲԵԱՆԻ

Շաբաթ, Փետրուարի 7ին, 2010, առաւօտեան ժամը 10:30ին, հակառակ յորդառատ անձրեւներուն եւ ապա տիրող մթնոլորտային բարեխառն պայմաններուն՝ Հարաւային Գալիֆորնիոյ հայութիւնը խուռներամ եկած էր Կլենտէյլի Ս. Աստուածածին եկեղեցին իր վերջին հրաժեշտը տալու փրոֆ. դոկտ. Գէորգ Խրլոբեանին: Սգոյ մեղեդիներու ներքեւ մեծ ննջեցեալի դագաղը բերուեցաւ եկեղեցի, շրջապատուած տասնեակ մը ծաղկեպսակներով: Յուզիչ էր պահը: Հոգեւոր շարականներու երգեցողութեամբ կը սկսի յուղարկաւորութեան տիտղոս արարողութիւնը, հանդիսապետութեամբ Գերշ. Ս. Մուշեղ Արք. Մարտիրոսեանի: Գէորգ Խրլոբեանի կենսագրականը կարդաց եկեղեցւոյ հովիւ՝ Արժ. Ս. Վազգէն Քհնյ. Աթմաճեան: Յաջորդաբար դամբանականներ խօսեցան Հայ Աւետարանական համայնքի հովուապետ՝ Վեր. Ճօ Մաթոսեան, Հայ Կաթողիկէ Ժողովրդապետ Հայր Անտոն Մարոյեան, Արեւմտեան Թեմի Հայց. Առաքելական եկեղեցւոյ առաջնորդ Գերշ. Ս. Յովնան Արք. Տէրտէրեանի արտասահման գտնուելուն առիթով իր ցաւակցական գրութիւնը կարդաց առաջնորդական փոխանորդ՝ Հոգշ. Ս. Տաճատ Մ. Վրդ. Եարտրմեան: Իրենց սրտի խօսքերը ըսին նաեւ նախկին առաջնորդ՝ Գերշ. Ս. Վաչէ Արք. Յովսէփեան եւ Գերշ. Ս. Մուշեղ Արք. Մարտիրոսեան, որ նոյն ատեն կարդաց Մեծի Տանն Կիլիկիոյ Կաթողիկոս Արամ Ա. Վեսփառ Հայրապետի ցաւակցական գրութիւնը: Վերոյիշեալ բոլոր հոգեւորականներն ալ բարձր գնահատեցին փրոֆ. դոկտ. Գէորգ Խրլոբեանի հայագիտութեան, փիլիսոփայութեան, աստուածաբանութեան, ցեղասպանագիտութեան եւ այլ բնագաւառներու մէջ կատարած մասնագիտական ուսումնասիրութիւնները: Արդարեւ հանգուցեալ գիտնականը հրատարակած էր 20 հատորներ եւ աւելի քան 400 լուրջ աշխատասիրութիւններ ու տակաւին հրատարակելի շատ մը գործեր: Յուղարկաւորութեան աւարտին ներկաները համաբայլ անցան Գ. Խրլոբեանի բաց դագաղին առջեւէն, որմէ ետք հանգուցեալի մարմինը փոխադրուեցաւ Ֆորրսթ

Լոն գերեզմանատունը, ուր կայացաւ թաղման արարողութիւնը: Այնուհետեւ հոգեճաշ տեղի ունեցաւ Կլենտէյլի Վերտուկօ Գառնթի զլապի մէջ: Ս. Վազգէն Քհնյ. Աթմաճեանի սեղանի օրհնութեան աղօթքէն եւ ճաշի սպասարկութենէն ետք տեղի ունեցաւ սգահանդէս Գէորգ Խրլոբեանի յիշատակին: Հանդիսավար դոկտ. Կարպիս Տէր Եղիայեան իր բացման խօսքին մէջ բնութագրեց մեզմէ անդարձ մեկնողի արժանիքները, որպէս անփոխարինելի մեծութիւն մը: Ապա յայտարարեց որ Գէորգ Խրլոբեանի յիշատակը յաւերժացնելու համար Մաշտոց Գոլէճի հոգաբարձութիւնն ու նախագահութիւնը որոշած են Գոլէճի գրադարանն անուանել փրոֆ. Գէորգ Խրլոբեանի անունով: Յաջորդաբար խօսք առին «Մասիս» շաբաթաթերթի գլխաւոր խմբագիր Տօքթ. Արշակ Գազանճեան, Պէյլլանի Հայրենակցական Միութեան ատենապետ՝ Տիգրան Մարաֆեան, Շուշան Մորոյեան-Վարդանեան, Նոր Սերունդ Մշակութային Միութեան ատենապետ՝ Յարութ Տէր Դաւիթեան, Մանուէլ Մարաշլեան, Յասմիկ Մարգարեան, Աննա Փինէճեան, Միքայէլ Երուստեան եւ ուրիշներ: Բոլորն ալ դրուատանքով արտայայտուեցան դոկտ. փրոֆ. Գէորգ Խրլոբեանի մեծածաւալ աշխատանքներուն, նկարագրի բարի յատկանիշներուն եւ իր ետին ձգած թանկագին աւանդին մասին: Հանգուցեալը զիտութեան եւ զիտելիքներու շտեմարան մըն էր բառին իսկական առումով: Ընտանիքի անունով խօսք առնելով իր եղբայրը Նորայր Խրլոբեան շնորհակալութիւն յայտնեց փրոֆ. դոկտ. Գէորգ Խրլոբեանի ազգային յուղարկաւորութեան իրենց մասնակցութիւնը բերող զաղութի հայ երեք յարանուանութեանց առաջնորդներուն, ինչպէս նաեւ դամբանական խօսողներուն, որոնք ջանացին ամօքել իրենց մեծ վիշտը: Սգահանդէսն աւարտեցաւ Վեր. Ճօ Մաթոսեանի օրհնութեան աղօթքով: Յիշատակն արդարոյն օրհնութեամբ եղիցի:

The Quality Choice for Your Child's High School Education
ANNUAL OPEN HOUSE
SATURDAY, FEBRUARY 20, 2010
10:00AM - 1:00PM
AGBU VATCHE & TAMAR MANOUKIAN HIGH SCHOOL
Formerly known as AGBU High School - Pasadena
Our annual open house for prospective parents and students is the perfect opportunity for you to learn about the quality programs AGBU Vatche & Tamar Manoukian High School has to offer.
To RSVP, or for more information, please contact the School Office at (626) 794-0363
2495 E. Mountain Street, Pasadena, CA 91104 (Corner of Altadena and Mountain Street)